

Gwerziou. 5. P. I.



AR PILLAOUER

TON ANAVEZET

Va zad en deus va dimezet
Da ur flerius pillauer (bis).
E Loqueffret e zeo ganet
E comanann Toulalaer !

Fœi, Fœi, var va zamik aotrou (bis,
Gant he stoub hag he billou.

Tri devez goude va euret
Enn ur gav foar Landerne (bis)
Ha va lapous prim difunet,
Ha zav er mez deus he vele.

Fœi, Fœi, var va zamik aotrou (bis,
Gant he stoub hag he billou.

Drailla ra eun anter Pater,
Tana ra he gorn butun (bis),
Tapout he ra he grog pœzer,
Evit mont var hent Sizun.

Fœi, Fœi, var va zamik aotrou (bis)
Gant he stoub hag he billou.

— 2 —

Gant-han n'ur gav camaradet
 Eun ur vont da billaoua (*bis*),
 Ho holl arc'hant eun deus foetet,
 Ha tam pillou n'en d'he oa.
 Fœï, fœï, var va zamik aotrou (*bis*)
 Gant he stoub hag he billou.

Pa oa eun anter nos sonet
 Enn Iliz vras ar Fouille (*bis*).
 Me oa un intanves glac'haret
 Va unan bars emm guele,
 Fœï, fœï, var va zamik aotrou (*bis*)
 Gant he stoub hag he billou.

Mont hera d'ar velin paper
 Gant ur zac'hadik pillou. (*bis*)
 Kals bahanoc'h eget ur ler,
 Rak preset eo ann dellou.
 Fœï, fœï, var va zamik aotrou (*bis*)
 Gant he stoub hag he billou.

Na pas zistro d'ar gommanant,
 Raktal ho zav un tam croz (*bis*)
 E pelec'h he man da arc'hant
 Me gred he mehinn e dagov.
 Fœï, Fœï, var va zamik aotrou (*bis*)
 Gant he stoub hag he billou.

Pa za Ianik d'ar pardonieu,
 Bepred ha ve mezo dall (*bis*)
 Prest he oa da goll he vragou.
 E Lokeffret e deiz all.
 Fœï, fœï, var va zamik aotrou (*bis*)
 Gant he stoub hag he billou.

Pa zeuio ar c'hiz er vro-ma
 Da derri ann dimeziou (*bis*),
 Me ha iello enn ur gana,
 Pell deus potret ar pillou.

— 3 —

Fœi, fœi, var va zamik aotrou (*bis*)
Gant he stoub hag he billou.

Pa zeui karigel ann ankou,
D'ober he dro er vro-man (*bis*)
Me ha guerso var he roudjou
Hag er pedo d'er zamman.
Fœi, fœi, var va zamik aotrou (*bis*)
Gant he stoub hag he billou.

Ha pann d'ho ann ankou boutet
Toul ar flerius pillaouer (*bis*)
Me ha guerso d'en lavaret
Da gomanann Toulalaer,
Maro eo va zamik aotrou (*bis*)
Var he stoub hag he billou.

Pa vo gret ann interamant,
Gant ar paour kez pillaouer (*bis*)
He vo kavet ialc'h arc'hant.
He zac'h pillou, he grog pœzer.
Maro eo va zamik aotrou (*bis*)
Var he stoub hag he billou.

Red-vo-coms d'aun Aotrou Person
Deus ar paourkez pillaouer (*bis*),
Ma vo canet ar Liberon.
Hag ouspen-ze lip he rer !
Maro eo va zamik aotrou (*bis*)
Var he stoub hag he billou !

FIN

Propriété de l'Éditeur.